


賢劫經



百七十六
談二

48546



賢劫經卷第二

談

西晉元康年竺法護於長安譯

法師品第四

佛語喜王菩薩乃往過去無鞅數劫不可稱
計今時有佛号辯嚴淨雷音吼如來至真等
正覺彼佛世時有一法師名無量德辯幢英
變音曾聞如來說是三昧定學是三昧而分
別說用化衆生濟無數億百千諸天人民以
度一切有王太子名淨福報衆音聞是三昧
心中欣然則百千價妙好之衣以覆法師口
發是言普使三界厄一切衆生皆悉興立得
是三昧以是德本見八十億江沙諸佛造立

衆行奉平等法在諸佛所聞是三昧皆以班
宣悉能堪任奉是定意所生之處常識宿命
在於無量德淨佛刹成最正覺淨福報衆音
王太子者則今現在西方阿彌陀佛是也其
法師教化度脫衆生者則大月如來是也其
王太子供養自歸無量德辯幢英變音法師
乃能終竟至七万劫消衆罪蓋用聞說是三
昧定故爲其太子除衆僧賓雪諸罣礙敷演
道品在在所生逮無量門揔持之行發意一
時彈指之頃不離佛法佛言時復有佛号曰
面悅離垢月首藏威如來至真等正覺出現
在卅講是三昧有長者子名曜淨廣心聞說

斯法以家之信不貪居業出爲沙門捨七万
姝女寶多若斯有四寶藏及衆珍琦若布積
地各遍四十万有千八百遊觀之處未曾舉
足妄蹈于地不用繫心棄國捐王行作沙門
以作沙門万六千歲一心經行常修精進未
曾廢息初不生心念爲懈怠也除其左右飲

談

賢劫卷二

食澡手洗口未常睡眠恒自覺悟亦不極坐
竟万六千歲即時悉受佛所說法諷誦通利
音響和雅逮得揔持名普入諸聲皆令稽首
爲佛作禮六十六姝諸天之衆從其諮受爲
之給使身心精進隨時之安不失所養奉事
如來今現南方得成正覺名一切德嚴世界曰

德淨於彼土地成最正覺尔時世尊說此頌曰

我憶宿命時 無數江沙劫 佛号辯嚴淨

雷音吼如來 有比丘持法 時在師子座

講說是三昧 王太子聞之 好究竟衣被

以供養法師 普見諸佛尊 得佛阿弥陁

其前世有罪 往宿之所犯 聞說斯慧味

皆盡無有餘 有佛離垢月 說是三昧定

長者子聞之 敬尊便出家 於万六千歲

奉進是三昧 未曾有睡眠 亦不住懈怠

逮斯尊佛道 用聽受聞故 不復還樂家

亦不慕恩愛 見不可計佛 皆從講諮受

悉入諸道業 疾逮成佛道 諸願盡具足

其名悅人意

尋時得佛道

誰不勤是業

於將來之世

聞是慧印已

財業亦無安

出家無所貪

罵詈若搗打

誹謗來加之

各各聞知法

宣布佛所說

遭厄百千惱

能忍姪欲難

觀察塵勞患

自說成佛道

夢中見於佛

自喜我正覺

而樂斯及法

我不疑佛道

猗求音響利

以聞斯經典

自曉喻其心

不久成佛道

聽是至要理

聞若干事業

無復有罣礙

所止如虛空

於是已出家

得無數利養

以用親族穢

生心相誹謗

分厄除患業

依聞而存意

反輕易他人

我以成佛道

得逮見成光

三
目
目
目

供養大聖主

行步自驚喜

謂已得佛道

其有論諂者

離道甚玄遠

數數懷愁憂

因輕他人故

若有聞此經

則知得佛道

不久成正覺

得見阿彌陀

依倚顛倒者

亦去道迥遠

若有不順本

佛不授彼決

觀斯長者子

施與財寶藏

然後行出家

家家而行乞

從定光如來

曾聞如斯義

如是像三昧

精勤敬奉行

佛言菩薩行道以大慈悲護於十方及化他

人諸不逮者以六度無極四等四恩六通善

權化衆生類所度無底使長安隱各捨家業

興隆道法為雨甘露宣傳經典猶如良醫以

藥療衆風寒熱病三合之病悉爲消除心有
四病一曰貪婬二曰瞋恚三曰癡冥四曰吾
我以慧正義刈斯四疾悉消無餘致十種力
四無所畏譬如日出衆冥消滅不知所去以
善權慧振大聖耀照于三界五陰六衰十二
牽連自然爲消不知所趣猶月在冥消夜衆
闇自然爲明菩薩如是以道慧明處生死界
三垢之穢心無所著開化終始無窮之患逮
得三昧無所從生度脫一切猶如大海出諸
珍琦殊異之寶其入採者靡不充備各得盈
滿菩薩如是入大乘海擇取開士玄妙之法
嚴治道場三脫之門周旋三世救濟危厄猶

轉輪王典主四域天下戴仰菩薩如是周流
一切生老病死具四等心化此四病永使無
餘終始朽亡忽然沒盡不知所處譬如船師
度人往反而無窮極以菩薩藏揔持之篋敷
演深要道法之真遊無數劫不以為勞猶如
二親生養其子至今長大成就為人菩薩如

是以法權智行大慈悲勸化愚冥使發道心
五戒十善四等四恩六度無極行權方便普
至十方具足十住一生補處無上正真成最
正覺度脫一切溺在生死使心坦然反流達
原猶如種樹漸生根芽莖節枝葉花實結茂
菩薩如是從初發心便得喜意身意休息無

有五陰三塗之患八難之苦備悉六度施戒
忍進禪思智慧無所從生永無所猗悉無衆
計不復覩我人身壽命有無之無在所示現
多所救濟生老病死經存在世六事法住善
權隨時導利衆生不使迷惑爲愚癡冥罪蓋
所覆淨如虛空不畏衆難殊勝之慧不死之
藥以療一切往來之厄猶如長者生子衆多
各爲興起十重高閣使諸太子遊戲閣上作
衆伎樂以娛上下諸遊觀者世尊如是以無
蓋慈無極大哀行權方便化導三界衆生之
類開示正路十住本末從初發心見者喜悅
莫不發意從一住起行菩薩道布施救窮三

界之匱貧於道者施以七財以一切智正真
之戒堅住菩薩無極之慧不中取證學仁和
意篤信三寶入無極慈立無蓋哀具四等心
四等已具成就五通五通已成備悉六度六
度已達得柔順忍以逮斯忍名曰第三第三
音響忍解一切響本悉空寂三界之音皆虛
無實無一真諦已了是義因斯漸入無所從
生法忍悉暢三界皆無根本五趣無原了斯
慧者乃逮無所從生法忍入諸所生心無所
生猶如虛空無憎無愛因便受決以得受決
致現在定見十方佛猶如明人其目清徹虛
空無雲夜觀星宿東西南北仰瞻虛空星宿

無限悉知其處菩薩如是得現在定觀於十方一切諸佛悉知處所名号教訓菩薩弟子眷屬多少說法所度悉知其數從三昧起爲人說法行衆空慧其聞所說皆發無上正真道意從是積行正領國土教訓衆生見其根本應病與藥令得服行上中下心而開化之各使得所猶如聖王有子衆多隨才叙用或爲太子後立國主典四天下或爲大臣侍其左右以自衛身或爲使者宣帝王命菩薩如是教化一切隨上中下而開導之或顯菩薩無上正真解真本際一定之慧有佛無佛相住如故心不入深不了是教或示緣覺誘進

前之至無窮慧乃達聖明本無二故猶水衆
流會歸于海合爲一味見畏生死三界之患
地獄餓鬼畜生之厄畏苦馱身而求聲聞故
爲宣示生死之難輪轉無際展轉五趣而無
竟已咨嗟讚歎泣洹之快不生不老不病不
死不飢不渴不寒不熱無怨無結不開不閉
無憂無喜無尊無卑不連不斷無往無反無
合無散長離衆難與道通同因詠難易苦安
之路使學無爲稍稍牽前乃至大道猶如四
瀆入海一味無若干別三乘如是至竟窮達
會致一至無上正真無際本淨逮至十住名
曰勇伏所以名曰勇伏者何猶如猛將大軍

之師將諸兵衆降伏嚴敵靡不折伏菩薩如是逮勇伏定周旋三界有無之上以道照心莫不通徹各自歸之咸發道心坐佛樹下降伏衆魔度脫十方佛亦時頌曰

菩薩行大慈
所開度常安

常自調其心
醫療風寒熱

并化他衆生
菩薩消三毒

日出衆冥盡
十住轉進然

道化消牽連
如樹漸長茂

長者十重閣
初發成道如

愚出爲沙門

心存親里眷

利物負重擔

心樂在家中

不以聞深法

不出家無戒

成就至佛道

是覺無放逸

末世若學此

得聞斯經典

以供養利故

求名行誹謗

在前誓首禮
便當說其惡
因在衆會中
不順長聖命
欲毀他功德
妬他得供養
供養佛舍利
乃爲真供養
用爲奉色身
猶如須菩提
勤修是道經
聞斯所行業

歎言甚善哉
陽愁而雨淚
傳說其惡行
己身求其勝
自歎勲無限
華香及衣被
自謂以得佛
捐捨一切樂
能捨斯陰蓋
棄忽貪愛命
壽在世且盡
自知伏其意

與其別去後
自歸念其身
不欲敬奉師
亂寂常謂淨
知尊而懷嫉
伎樂幢幡蓋
若聞斯經典
常學是要行
當恭敬於經
常習在閑居
今告於喜王
旣信奉順行

常誹謗於佛

是二言真非真

在於四部衆

還自謂真諦

其貪利養業

不樂佛正道

是等謂見敬

去解脫甚遠

其吾大神足

於是現大勢

皆以護禁法

奉行故得是

揔持遵戒法

行如愚不及

悉棄於貪利

習寂在閑居

今佛建立斯

佛所說不虛

後將來末世

是經在其所

值光明無量

復見無怒覺

六十二億佛

衆會咸共見

佛悉屬累是

然後護是法

以是經見印

然後共將護

時雨細微華

三千世天人

悉咸咨嗟之

周聞斯法故

尔時喜王菩薩三萬人俱聞佛所說目為淚

出恭恪竦慄衣毛爲豎偏出右臂從坐而起
叉手同音白佛我等世尊將來末俗五濁惡
世不輕法師若有不敬欲壞普明一切智者
臨法欲盡少於學識明不能多清白正法垂
欲盡時畏法無常法欲亂時沒其身壽護是
如來一切智典使永弘安獨處專學一心如
犀當受將護如是經像如來至道若干品藏
其有學智諸辯才印曉了無量衆德之本當
勸化之法印印之揔持種性降魔宮殿解一
切智所行功勳受持是摸書著竹帛若在地
獄爲一切衆皆忍苦患不以爲厭用是三昧
故周旋三界五趣之難不以爲倦行四等心

慈悲喜護四恩勸導惠施仁愛利人等利救
濟十方愚冥之輩皆發道意地獄休息餓鬼
飽滿畜生得脫生天人間天人心開樂於道
法五趣心解信敬三寶不貪世榮觀察三界
猶如幻化影響野馬芭蕉見夢水泡沫暢
一切法悉知無真皆發道意欲度十方危厄
之難於是喜王菩薩心中悲喜即說頌曰
我以知是業 從意發道義 不輕如是明
咨嗟於世護 棄捐其身命 求是佛至道
於後恐懼世 持是三昧定 若無鞅數劫
在於地獄中 樂持是三昧 常當忍是苦
請一切衆生 說法無所冀 布施衆財物

行愍諸群黎

假使身命肉

骨髓血脉斷

終不行懈怠

後世所生處

習在空閑居

棄一切所有

慈遍衆生類

疾者給醫藥

不當學此業

如反邪之行

當修是真言

從斯經中教

常奉無放逸

隨佛之所誨

衆生故忍之

我等之伴類

獨處若衆中

所宿無所畏

不貪求利養

班宣尊佛道

佛說是經時七十江河沙等衆生從不可計

諸佛國來者聞是經典皆得不退轉當成無

上正真之道時万菩薩皆悉逮得是三昧定

其自要誓當來末世奉事法師以供養之三

十妙諸天人咸以逮立不退轉地當成正覺

六十姪諸天人得法眼淨十八億人及是四
輩諸法眼生三塗之惡皆以滅盡佛演光明
照於十方各江沙等諸佛世界遍無擇獄上
至極界三十三天一切衆生皆得安隱無復
衆患從其光明各自自然化生無量寶淨億姪
百千葉蓮華一一蓮華皆如來坐其眷屬衆
諸來衆會亦復如是等無有異是諸佛邊各
有喜王菩薩長跪叉手勸諸如來說是三昧
定是一切佛化無鞅數不可計會衆生無底
悉令衆人了無邊際無所罣礙至平等覺
法供養品第五

尔時佛告喜王菩薩勿以衣食之施奉事如

來用爲第一也欲供養佛當以法供養而奉事
之所以者何乃往過去無鞅數劫不可稱載
有佛号金龍波光其壽不可限量國名無量
淨衆會不可稱計有法師名無限量寶音行
在末世最後窮俗學是三昧其餘一切諸比
丘衆皆共擯之時彼法師不懷怯弱不貪身
命故復勤精講斯三昧入於山中服衆菓實
時四天王天上諸天人上至二十四阿迦尼吒
天人皆來聽經時無數衆咸共念之心悉戀
慕愁思欲見之欲服聲名聞其法音時世有
王名使衆無憂悅音爲轉輪聖王往詣其所
聽是三昧以得聞之歡悅法師王白比丘恣

意宣傳勿懷恐懼吾自遣人共相宿衛遣三
万人在於左右今與仁此勿以畏難吾當護
衛是佛所說甚難得聞時轉輪王遣其千子
勇猛傑異一人當千而衛護之三万衆人皆
以甘饌而供養之一切施安從其所便常以
和心無傷害意而授所當一切所乏其彼法
師建立威神己之力勢於半劫中演是三昧
以是德本則悉和同王諸太子及衆眷屬更
八十劫見六十億三那術姪諸佛世尊皆從
諸佛遠是三昧如心所願受取佛國喜王欲
知彼時法師豈異人乎莫造斯觀則今現在
阿弥陁佛是也其時國王名無憂悅音者阿

閱佛是也其王千子颯隨劫中千佛興者是也佛言喜王尔時三万人王使宿衛彼法師者今喜王等菩薩三万人是也彼時種德於此如願獲其果報致安順供是三昧定諸菩薩業是故喜王菩薩欲學逮是三昧當以恭敬受持書誦分別說之至意奉行佛尔時說是頌曰

欲施一切安衆生

具足諸藏滿億千

其有發心存尊道

斯功德福不可喻

假使十方衆生類

皆令成就緣覺道

一劫之中備供養

其福不比發道心

皆使衆生成佛道

隨其所安供一劫

其有發心在尊道
若有志求諸佛法
不如取是四句頌
正使是世衆生類
若聞是句而誓受
億百千劫如江沙

常以供施衆菩薩
是三昧者不可議
其以護道佛功德
臨命終時無數佛
十方佛土諸佛尊
臨壽終時無數佛

斯福甚多不可喻
而不發起興道意
其福如順護道心
皆建立之存佛道
心不恐畏其福超
一切珍寶滿諸刹
護一頌偈是殊特
若能受護四句頌
一切盡數不能竟
悉自然現在其前
將護四句之頌起
來護其心不忽忘

隨其所欲受所生
身常永安心以和
不知苦痛至佛道
入億百千無量門
我任勢力班宣斯
諸佛於此能班宣
曼佛現在勤修行
便見是法執在手
皆是我子化無際

亦時世尊說是三昧已以是三昧而復正受
喜王菩薩亦三昧定選擇因入七十正法適
選擇竟是三昧威神於時維耶離城中八万

用以書是三昧故
往至天上賢聖安
而勸助之名勇猛
最勝光藏明無限
當勤修是三昧定
是故由斯奉精進
無得後世復懷恨
清和奉行甚清淨
承佛前後行慈仁

四千人城外亦復八万四千各心念言如來
至真甚難得值久遠世時乃有佛耳希可見
聞多所哀念多所安隱愍傷諸天及十方人
今在靜室而三昧定我等方便勸助如來從
三昧起於時維耶離城中内外衆人各各八
万四千先詣舍利弗謂舍利弗佛興希有信
者甚難人命難得平等正覺三昧正受唯爲
我等能覺興乎使最正覺從三昧起唯見愍
念施一切護時舍利弗聞維耶離衆人所說
即從坐起往詣佛所住於佛前謦揚其音極
力彈指手拍兩膝欲使如來從三昧覺因其
正受不知如來三昧所如時舍利弗詣目連

所以是本末語目連維耶離城內外衆人欲願如來從三昧起時目捷連以力神足動三千大千世界住於梵天暢其大音欲使如來從三昧覺不能使起時舍利弗及大目捷連共詣賢者阿若拘倫及披提披破大稱憍恒鉢羅云分耨須菩提迦旃延迦葉阿難分那餘大劫賓拏和利弥勒菩薩五千菩薩俱行詣佛所圍繞卅尊各各就立已之常位四大天王天帝釋炎天兜術天化自在天其欲界中不可限計諸天人等各各嚴駕皆詣佛所稽首佛足退住一面各自叉手咸歸命佛愁感戀慕梵天光音天清淨天離界天乃至淨

身天不可計數諸天子等一切同心稽首歸
佛欲令尊興

諸度無極品第六

尔時喜王菩薩燕坐七日無他異念七日以
後試自思惟從燕坐起往詣高坐稽首禮佛
及謁一切現諸化佛并衆菩薩則任佛前叉
手禮座於時卅尊寂然庠序從三昧起普觀
衆會以觀衆會默然而住稽首自歸時喜王
菩薩前白佛言道法玄妙不可攀逮無上正
真不可譬喻一切菩薩比丘聖衆諸尊神天
皆來集會一切渴仰飢虛於法會來甚久時
以欲過願有所問若見聽者乃敢發言佛告

喜王在所樂問狐疑衆結如來悉當分別說
之令心解悅無餘罣礙喜王菩薩復白佛言
唯然世尊我向在斯獨處燕坐心自念言斯
諸菩薩積功累德習志調心好慕佛道諸度
無極殖衆善本以求至真或有菩薩爲衆生
故行度無極以成佛道或以諸菩薩故行度
無極或以生死衆漏之故行度無極或以無
漏行度無極合集此已隨其所志行度無極
長益菩薩而成正覺如是弘普以是因緣初
中至竟習法典目諦受興發諸菩薩衆善權
方便顯隆道法唯說其意時世尊倍加咨嗟
喜王菩薩言善哉善哉喜王菩薩乃能發意

諮問如來如是異義殊特之慧仁以昔曾供
養過去百千億佛之所致佛言諦聽善思念
之喜王菩薩與諸大衆受教而聽佛言菩薩
有六事業習進行法修度無極有六事光曜
度無極亦有六事世度無極亦有六事爲衆
生故行度無極亦有六事住度無極亦有六
事生死度無極亦有六事有所著度無極
亦有六事益他人度無極亦有六事所處度
無極亦有六事道度無極亦有六事慧度無
極亦有六事已修立行度無極亦有六事有
逮得度無極亦有六事有念度無極亦有六
事有離三世度無極亦有六事造有所業度

無極亦有六事休息道度無極亦有六事有
不置遠度無極亦有六事有應順度無極亦
有六事有造作度無極有無作度無極有意
度無極有勤修度無極有正真度無極有行
捷疾度無極有深奧度無極有雜度無極有
清淨度無極有無際度無極有信道度無極有
爲衆生厄故行度無極有法故度無極有寂
樂度無極有樂觀寂度無極有一切所入度
無極有說處度無極有無害度無極有無敗
度無極有貧度無極有不迴還度無極有迴
轉度無極有嚴淨度無極有堅彊度無極有
其盈度無極有充滿度無極有爲世度無極

有度世度無極有無上度無極有不亂度無
極有無怨度無極有怨敵度無極有攝持度
無極有無攝度無極有報應度無極有無報
度無極有自然度無極有無所有度無極有
廣普度無極有華度無極有無量度無極有
慕求度無極有所厭度無極有妙樂度無極
有無樂度無極有樂聞持度無極有生死長
度無極有無斷度無極有樂純淑度無極有
禪度無極有神通度無極有世巧便度無極
有慈愍護度無極有行哀度無極有歡喜度
無極有勸護度無極有勸邪見度無極有勸
正見度無極有勸任見度無極有勸無任度

無極有勸無猗度無極有勸意度無極有忍
度無極有造業度無極有無造業度無極有
有餘度無極有無餘度無極有佛興盛度無
極有明度無極有持任明度無極有佛興成
就度無極有意不忽度無極有佛立家度無
極有出家來度無極有愍哀博聞來度無極
有出家不斷戒度無極有任神通度無極有
神通意不斷度無極有入欲度無極有立度
無極有應度無極有衆報度無極有無報度
無極有無樂度無極有時進度無極有光明
度無極有無量光度無極有報安光度無極
有不迴還度無極有娛樂度無極有鮮潔度

無極有成世法度無極有淨世度無極有成
種度無極有成眷屬度無極有不壞眷屬度
無極有除塵來淨度無極有觀土度無極有
宣誓度無極有無逸度無極有周旋度無極
有滅度度無極有豪貴度無極有理眷屬度
無極有無所亡失度無極有三十二相度無

極有順時度無極有知時度無極有分別度
無極有順世度無極有邊際度無極有蠲除
度無極有金剛度無極有造救度無極有自
然度無極有伏魔度無極有無退度無極有
一時度無極有無所著度無極有三昧度無
極有訓誨度無極有佛道度無極有一切智

度無極有無餘度無極有有餘度無極有可
止度無極有諸佛度無極有方便度無極有
愁感度無極有真隨度無極有異度無極有
四意斷度無極有四神足度無極有四禪度
無極有四意止度無極有四諦度無極有信
根精進根意根智慧根定根度無極有信力
精進力意力定力智慧力度無極有七覺意
度無極有八品道行度無極有寂然度無極
有觀度無極有樂明度無極有來解脫度無
極有比丘聖衆度無極有八部會度無極有
歸解度無極有分別度無極有別度無極有
繫解法度無極有分別順理度無極有辯才

度無極有無厭度無極有六度度無極有眼
耳鼻口身心度無極有愍他勸助度無極有
愍己度無極有法度無極有宜度無極有剖
判度無極有勸樂度無極有三脫門度無極
有異行度無極有解他度無極有勤用意度
無極有十種力度無極有四無所畏度無極
有大哀度無極有五眼肉眼天眼慧眼法眼
佛眼度無極有自在度無極有娛樂度無極
有難得自歸度無極有十八不共諸佛之法
度無極有曉了方便度無極有純淑度無極
有自然度無極有三界行度無極有觀清白
行度無極有法種度無極有八等度無極有

道迹往來不還無著度無極有緣覺度無極
有菩薩度無極有盡慧度無極有無所生慧
度無極有建立慧度無極有天眼天耳心知
自在見過世事知他心念神足漏盡六通度
無極有威儀度無極有愍傷度無極有行空
度無極有捐捨度無極有滅度無極有變化
度無極有流布教度無極有分舍利度無極
是諸比丘菩薩所行二千一百寂然度無極
菩薩大士若逮解是皆致得一切諸法殊特
玄妙無際之行無等無倫懷來聖哲無所特
仰消一切塵無所至湊斷諸狐疑是二千一
百其中別一百度無極主除四大去六衰令

無有餘獨步三界往來周旋遍入三世猶如
日月不畏衆眞成就万物百穀草木仰天之
茂皆因地生菩薩如是二千一百諸度無極
及是百度無極其二千一百諸度無極貪婬
怒癡等分四事各二千一百合八千四百
八千四百各別有十事合八万四千以能具
足是度無極便以備悉八万四千衆要上業
八万四千諸揔持門自然達矣便通諸佛五
百聖功品第各別以娛樂化一切衆生曉成一
切所行境界隨時發起靡不濟安至無極慧
本際法身

賢劫經卷第二

談

玕琦

下音奇

蹈踐

音盜

澡洗

早音

洒

字洗

搗打

上音

擊

也

瓜

所湊

下至七

也

篋

反苦

怙

負

價

下求

位

四瀆

下音

讀

也

敵

下徒

的

陽愁

上正

屬累

上字

囑

竦慄

上息

勇

反

敬

反

也

也

模書

上莫

胡

甘饊

下時

扇

反

膳

反

食

阿闍

下昌

反

反

鼻

及莫

官

反

堅疆

下強

純

泚

下善

也

孰

愁感

下倉

反

反

